

Name of the study area: Urban
Data Type: IDI with Household
Length of the interview/discussion: 46:58 min.
ID: IDI_AMR201_HH_U_13 July 17

Demographic Information:

Gender	Age	Education	Healthcare decision maker or caregiver	Income	Ages and gender of children living in HH	Ages and gender of older adults living in HH	Ethnicity	Family members
Male	32	Class-VIII	HDM	15,000 BDT	4.5 Years Female	No	Bangali	Total= 4; Child-2 (Twin), Husband (Res.*) and Wife

প্রশ্নকর্তা: আসসালামুআলাইকুম। আমি হচ্ছি এস,এম,এস। ঢাকা আইসিডিডিআরবি, মহাখালি কলেরা হাসপাতালে কাজ করি। কলেরা হাসপাতাল থেকে আসছি। আমরা বর্তমানে একটা গবেষণা করতেছি যে যেখানে আমরা বোঝার চেষ্টা করতেছি যে মানুষ বাসাবাড়িতে যে সমস্ত মানুষজন এবং গবাদি পশু আছে, তারা অসুস্থ হলে তখন তারা কি করে, বুদ্ধি পরামর্শ এবং চিকিৎসার জন্য আপনারা কোথায় যান এবং এই অসুস্থতার জন্য আপনারা কোন ধরনের এন্টিবায়োটিক কিনেন কিনা এবং এন্টিবায়োটিক কেনার পর সেগুলো কিভাবে আপনারা ব্যবহার করেন সে সম্পর্কে আমরা একটু জানতে চাই। আর গবেষণা থেকে প্রাপ্ত তথ্য মানে ভবিষ্যতে জনগনকে উৎসাহিত করার জন্য এন্টিবায়োটিক সম্পর্কে যথাযথ এবং নিরাপদ ব্যবহার নিশ্চিত করার জন্য ব্যবহার করা হয়। তো ভাই, আমি তো একটু আগে আপনাকে বিস্তারিত খুলে বলছি। আপনার এই সমস্ত তথ্য আমরা গোপনীয়ভাবে সংরক্ষণ করবো। শুধুমাত্র গবেষণার কাজে এটা ব্যবহার করা হবে। এরকম একটা লিখিত সম্মতিপত্র আমি পড়ে শুনাইছি। এবং সেখানে আপনি ---- করছেন। এবং একজন ভাবী এসে এখানে সাক্ষী হিসাবে ছিল। তো আলোচনা আমরা শুরু করি। কি বলেন ভাই?

উত্তরদাতা: হ্যাঁ, বলেন।

প্রশ্নকর্তা: ধন্যবাদ। তো আমি প্রথমে যেটা জানতে চাচ্ছি সেটা হচ্ছে আপনি কি কাজ করেন, ভাই?

উত্তরদাতা: আমি রাজমিস্ত্রির কাজ করি।

প্রশ্নকর্তা: রাজমিস্ত্রি? এটা কোন জায়গায় মানে এলাকায় নাকি অন্য কোন

উত্তরদাতা: হ্যাঁ, এলাকায়। টঙ্গীতে।

প্রশ্নকর্তা: টঙ্গীতে?

উত্তরদাতা: স্টেশন রোড।

প্রশ্নকর্তা: আপনার পরিবারে কে কে আছে বর্তমানে?

উত্তরদাতা:বর্তমানে আমার স্ত্রী, দুই মেয়ে, আমি।

প্রশ্নকর্তা:আর দুই মেয়ে বলতেছেন, ওদের বয়স কত?

উত্তরদাতা:দুই মেয়ের বয়স সাড়ে চার বছর।

প্রশ্নকর্তা: সাড়ে চার বছর। তারা একটু আগে বলতেছিলেন যে জমজ তারা। দুইজনই কি একই দিনে একই সাথে জন্ম?

উত্তরদাতা:হ্যাঁ। একই দিনে একই সাথে। পাঁচ মিনিট বেশ কম।

প্রশ্নকর্তা:আচ্ছা। পাঁচ মিনিট বেশ কম। বাড়িতেই হচ্ছে নাকি কোথায় হচ্ছে তাদের জন্ম?

উত্তরদাতা:হ্যাঁ, বাসায়। ঢাকাতেই।

প্রশ্নকর্তা:ঢাকাতে। তো আপনার বাড়িতে যারা আছেন, আপনি আছেন এবং আপনার পরিবার। ভাবী এবং দুই মেয়ে এরা ছাড়া আর বাইরে থেকে কি কেউ বেড়াতে আসে আপনার পরিবারে?

উত্তরদাতা:হ্যাঁ। আমরা আসে আমার। বা অরো মেয়ে মামারা আসে, খালারা, নানু। এরা আসে, সবাই আসে।

প্রশ্নকর্তা:উনারা আসে। তো মানে আপনার কোন গবাদি পশুপাখি গরু ছাগল হাঁসমুরগি এরকম কিছু কি আছে পরিবারে?

উত্তরদাতা:না।

প্রশ্নকর্তা:এগুলো পালেন না কিছু, না?

উত্তরদাতা:না।

প্রশ্নকর্তা:তো ভাইয়ের মাসে আয় কত?

উত্তরদাতা:পনের হাজার।

প্রশ্নকর্তা:পনের হাজার টাকা। মানে এটা কি তো আসলে কম বেশী হয়

উত্তরদাতা:হ্যাঁ। অবশ্যই কম বেশী হয়। আমি যে কাজ করি এটা অনেক সময় তো রিগুলার কাজ চলেনা। বৃষ্টির সময় মাইর হয়। তারপর আপনার কাজ অনেক সময় বন্ধ থাকে। এই। রিগুলার হয়না।

প্রশ্নকর্তা:তো আপনাদের মানে এই যে মানে এইযে বাড়ি, এটাতো ভাড়া, নাকি?

উত্তরদাতা:হ্যাঁ।

প্রশ্নকর্তা:ভাড়া।

উত্তরদাতা:ভাড়া।

প্রশ্নকর্তা:আপনার এখানে কি কি আছে ঘরের মধ্যে? ফ্রিজ আছে?

উত্তরদাতা:না। ফ্রিজ নাই। এইযে এগুলো।

প্রশ্নকর্তা:আচ্ছা । টিভি আছে আর

উত্তরদাতা:টিভি, ওয়ারড্রোব, শোকেস

প্রশ্নকর্তা:শোকেস

উত্তরদাতা:খাট এগুলাই ।

প্রশ্নকর্তা:আর কি আছে? এইযে

উত্তরদাতা ড্রেসিং টেবিল ।

প্রশ্নকর্তা:ড্রেসিং টেবিল আছে । টেবিল আছে । সেলাই মেশিন আছে ।

উত্তরদাতা:হ্যা ।

প্রশ্নকর্তা:এগুলা আছে । এছাড়া কি আর কোন কিছু আছে, ভাইয়া?

উত্তরদাতা:না, না । আর কিছু নাই ।

প্রশ্নকর্তা:আর জায়গাজমির কি অবস্থা ভাই, বাড়িতে?

উত্তরদাতা:এ দেশের বাড়িতে । অতোটা না । অল্প ।

প্রশ্নকর্তা:কতটুক আছে জমি?

উত্তরদাতা:ছয় সাত শতাংশ হবে । বা দশ এরকম ।

প্রশ্নকর্তা:এটা ভিটায়, ভিটে?

উত্তরদাতা:হ্যা, বাড়ি ।

প্রশ্নকর্তা:বাড়ি? মূল বাড়ি যেটা

উত্তরদাতা:মূল বাড়ি যেটা, এটা ।

প্রশ্নকর্তা:আর এমানে ধানের জমি?

উত্তরদাতা:ধানের জমি নাই ।

প্রশ্নকর্তা:তো এখন যেটা জানতে চাচ্ছি স্বাস্থ্য সেবা নেওয়া । যে আপনারা পরিবারের যে সবাই স্বাস্থ্য সেবা নেন, এই ব্যাপারে একটু কথা বলতে চাচ্ছিলাম । তো পরিবারের সবাই কি ভালো আছে এখন?

উত্তরদাতা:এখন মোটামুটি ভালো । কারন দুইদিন আগে আমার মেয়েটার জ্বর ছিল । ছোট মেয়েটার । ডাক্তারের কাছ থেকে ঔষধ আইনা খাওয়াইছি । মোটামুটি ঠিক আছে এখন ।

প্রশ্নকর্তা:মানে কি জ্বর হয়ছিল? এখন তো শুনতেছি

উত্তরদাতা:এই ঠান্ডা জ্বর। ঠান্ডা ছিল। ঠান্ডা থেকে পরে শরীর গরম। বুঝতে পারলাম যে জ্বর। এজন্য ডাক্তার দেখায় নিজেরাই নিয়ে আসছি আরকি ঔষধ।

প্রশ্নকর্তা:তো ঐটা কোন জায়গায় দেখায়ছিলেন ডাক্তারকে?

উত্তরদাতা:ডাক্তার দেখাই নাই। এখানে একটা ফার্মেসি থেকে ঔষধ নিয়ে আসছি।

প্রশ্নকর্তা:আচ্ছা। কোন ফার্মেসি, এটা কোন জায়গায়?

উত্তরদাতা:এইযে স্টেশন রোডে।

প্রশ্নকর্তা:কি নাম ফার্মেসিটার?

উত্তরদাতা:ফার্মেসিটা ডা:২৯ স্টোর, ডা:২৯ ফার্মেসি।

প্রশ্নকর্তা:মোমিন ফার্মেসি? তো এখানে কোন ডাক্তার বসে?

উত্তরদাতা:না। এখানে ডাক্তার বসেনা। ফার্মেসি থেকে পরিচিত আছে আগের। এই টুকিটাকি ঔষধ আনি। কিন্তু জটিল কিছু হলেই আমরা সরকারি মেডিকেল যাই।

প্রশ্নকর্তা:এই টুকিটাকি ঔষধটা যে দেয়, কে দেয়?

উত্তরদাতা:ঐ ডা:২৯ ভাই দেয়।

প্রশ্নকর্তা:কিন্তু উনি তো ডাক্তার না। ডাক্তার?

উত্তরদাতা:না। ডাক্তার না।

প্রশ্নকর্তা:আচ্ছা। কিন্তু উনি এই লাইনে কোন পড়াশুনা বা কিছু আছে তার?

উত্তরদাতা:এটাতো বলতে পারিনা।

প্রশ্নকর্তা:সে কি ঔষধ বিক্রি করে নাকি

উত্তরদাতা:এমনে ঔষধ বিক্রি করে। উনি ঔষধই বিক্রি করে। এই আমরা মনে করেন সাধারণত জ্বর হলে বা একটা ঠান্ডা বা এইযে গ্যাস্ট্রিকের ট্যাবলেট, এই সাধারণ যেটা আরকি। এই টুকিটাকি ঔষধ এগুলো। কিন্তু জটিল কোন কিছু হলে আমরা ডাক্তারের কাছে যাই।

প্রশ্নকর্তা:আচ্ছা। জটিল কিছু হলে ডাক্তারের কাছে যান?

উত্তরদাতা:হ্যাঁ।

প্রশ্নকর্তা তো এখন সাধারণ ঔষধগুলো যে উনি দেয়, উনি কি কোন প্রেসক্রিপশনে, কাগজে লিখে দেয় নাকি এমনি মৌখিকভাবে বলে দেয়

উত্তরদাতা:এমনি সাধারণভাবে যেমন নাপা বা নাপা খেলে যে জ্বর সারে এটাতো আমরাও জানি। সেও বোঝে। এজন্য আর কোন প্রেসক্রিপশন নাই।

প্রশ্নকর্তা:কয়দিন খাবে বা কি

উত্তরদাতা:এটা অবশ্য অতুটুকু ওর আইডিয়া হয়েছে। কারন ও আবার অনেক দিন ধইরা ফার্মেসির ব্যবসা করে। অনেকদিন। আমরা চিনি জানি প্রায় ছয়, পাঁচ ছয় বছর ধরে চিনি, লোকটারে।

প্রশ্নকর্তা:আচ্ছা। ৫:০০

উত্তরদাতা:তো সেভাবে লোকটার একটা অভিজ্ঞতা হয়েছে না বেচতে বেচতে? সে হিসাবে একটা ঔষধ দেয়।

প্রশ্নকর্তা:সাধারন ঔষধ।

উত্তরদাতা:হ্যা। সাধারন ঔষধ।

প্রশ্নকর্তা:একটা বললেন যে জ্বর, আর কোন ধরনের অসুখের জন্য যান তার কাছে?

উত্তরদাতা:জ্বর যেমন একটু হালকা কালি হলে যাই। তারপরে যদি নিজস্ব গ্যাস্ট্রিকের যদি কোন বুকে জ্বালা পোড়া করে তখন একটু যাই। এই এতটুক। আর কিছু না।

প্রশ্নকর্তা:আচ্ছা। এইযে যখন কেউ অসুস্থ হয়ে যায় মানে ধরেন আপনার পরিবার বা আপনার বাচ্চা বা আপনার স্ত্রী একজন বা দুইজন অসুস্থ হলেন তাদেরকে কে দেখাশুনা করে পরিবারের পক্ষ থেকে?

উত্তরদাতা:আমি করি।

প্রশ্নকর্তা:আপনি করেন? তো আপনি তো দোকানে চলে যান। সেক্ষেত্রে মানে কে দেখে? ধরেন আপনার বাচ্চা যদি অসুস্থ

উত্তরদাতা:যখন আমি কাজ চলে যায় তখন?

প্রশ্নকর্তা:জ্বী।

উত্তরদাতা:তখন আমার স্ত্রী আছে, উনি দেখে।

প্রশ্নকর্তা:তাহলে বেশীরভাগ সময় কে দেখে? স্ত্রী দেখে নাকি আপনি দেখেন?

উত্তরদাতা:এখন যেহেতু সবসময় ওর আম্মু বাসায় থাকে, তাহলে ওর আম্মুই বেশী দেখে।

প্রশ্নকর্তা:আচ্ছা। আম্মু বেশী দেখে। যেহেতু আপনারা সংখ্যায় তো দুজন বড় আর দুজন তো বাচ্চা।

উত্তরদাতা:হ্যা।

প্রশ্নকর্তা:সেটা হ্যা। তো এই মুহূর্তে কি কেউ অসুস্থ আছে ভাই মানে যেমন ডায়রিয়া বা শ্বাস কষ্ট এরকম কারো

উত্তরদাতা:এরকম কেউ নেই। কিন্তু আমার স্ত্রীর ডায়বেটিস। ওর ডায়বেটিস ঔষধ চলতেছে। খায়তেছে।

প্রশ্নকর্তা:কতদিন হলো উনার ডায়বেটিস?

উত্তরদাতা:উনার ডায়বেটিস প্রায় এইযে এক সপ্তাহ দশ দিন এর মতো হয়েছে। ওর পরিক্ষা টরিক্ষা করা শেষ। সব পরীক্ষা করছি। আলট্রাসোনো করা হয়েছে। তারপর এইযে ইসিজি নাকি কিজানি কয় সেটি

প্রশ্নকর্তা:ইসিজি, হ্যা।

উত্তরদাতা:তারপর রক্ত পরিক্ষা মনে হয় দুই তিনটা, পাঁচটা ছয়টা করছি রক্ত পরিক্ষা।

প্রশ্নকর্তা:এটা কোথায় করছেন?

উত্তরদাতা:এটা ডায়বেটিস, এখানে আলবারাকা।

প্রশ্নকর্তা: আলবারাকা? এটা কি ডায়বেটিস হাসপাতাল? নাকি

উত্তরদাতা:না। ডায়বেটিস, প্রাইভেট।

প্রশ্নকর্তা:প্রাইভেট?

উত্তরদাতা:প্রাইভেট কিন্তু ডায়বেটিস। আপনার ইসের থেকে অনুমোদিত। ঢাকা ঐষে ডায়বেটিস ইয়ে আছেন?

প্রশ্নকর্তা:বারডেম

উত্তরদাতা:বারডেম অনুমোদিত।

প্রশ্নকর্তা:আচ্ছা। তো এখন উনার এটা ধরা পড়ছে। তো ঔষধ দিচ্ছে?

উত্তরদাতা:হ্যা ঔষধ দিচ্ছে। ঔষধ খায়তেছে।

প্রশ্নকর্তা:খায়তেছে। আচ্ছা। তো এর মধ্যে কি এগুলো কি ধরনের, নরমাল ঔষধ নাকি এগুলি এন্টিবায়োটিক পাওয়ারের ঔষধ?

উত্তরদাতা:হ্যা। পাওয়ারি আছে এন্টিবায়োটিক আছে। ঔষধ দেখলে দেখতে পারেন।

প্রশ্নকর্তা:আচ্ছা। আমি দেখবো পরে। আমি দেখবো। তো আমি অন্য কথা শেষে আমি এক ফাঁকে দেখে নিবো। তো মানে আমরা যে এমনি অসুস্থ হই ভাই, এমনি দৈনন্দিন কাজকর্মে বিভিন্ন সময় যে অসুস্থ হয়, তো সর্বশেষ কে অসুস্থ হয়েছিল? ভাবীর তো ডায়বেটিস ধরা পড়ছে। এটা তো একটা রোগ। আর এমনি সাধারণ অসুস্থ যেমন আপনার মেয়ের বললেন যে কয়দিন আগে জ্বর হলো

উত্তরদাতা:হ্যা। সর্বশেষ অসুস্থ আমার মেয়ে, জ্বর আর ঠান্ডা ছিল।

প্রশ্নকর্তা: ঠান্ডা ছিল। আচ্ছা। জ্বর হয়েছিল আর ঠান্ডা হয়েছিল?

উত্তরদাতা:হ্যা।

প্রশ্নকর্তা:আচ্ছা। তো ধরেন কেউ যদি অসুস্থ হয়, টো আপনি কিভাবে বোঝেন পরিবারে ধরেন আপনার বাচ্চা যে অসুস্থ আপনি এটা কিভাবে বুঝছেন বা আপনার ---৭:২৮

উত্তরদাতা:এটা তো দেখলেই বোঝা যায়। অনেক, অসুস্থতা তো বোঝায় যায়। যেমন ঠান্ডা যদি লাগে, তো ওর কণ্ঠ চেঞ্জ হয়, তারপর নাক দিয়ে পানি পড়ে। এটা বোঝা যায়। শরীরে হাত দিলে জ্বর নাকি গরম এটাতো সাধারণত ডাক্তার ছাড়াই মানুষ বুঝতে পারে। এটা খাওয়ার অরুচি থাকে। বিরক্ত করে বাচ্চা। ঘুমাতে চায়না বা ঘুমালে খানিক পরপর উঠে যায়। এইতো আরকি। এগুলাইতো দেখলে টের পাওয়া যায়। বোঝা যায় যে অসুস্থ।

প্রশ্নকর্তা:আচ্ছা। কেউ যদি অসুস্থ হয়, তাহলে এই বাচ্চা যদি অসুস্থ হয় তাহলে বললেন যে আপনারা ইয়েতে যান, ফার্মেসিতে যান।
তো বেশীরভাগ সময় কি ফার্মেসিতে যান নাকি হচ্ছে বড় কোন ডাক্তার বা সরকারি হাসপাতাল বা

উত্তরদাতা:এটা ঠিক আছে। যেমন ফার্মেসিতে প্রথমবার গেলাম কিন্তু ঔষধ খাওয়ালাম, অসুখ সারলোনা। তখন তো আর আমরাই
বুঝতে পারি যে ওরে দিয়ে আর হবেনা। তখন আমরা ভালো কোন ডাক্তার দেখাই।

প্রশ্নকর্তা:মানে সবসময় কি প্রথমেই ফার্মেসিতে আগে গিয়ে দেখান?

উত্তরদাতা:হ্যাঁ। নিজস্বভাবে একটু দেখি।

প্রশ্নকর্তা:দেখেন?

উত্তরদাতা:তারপর ডাক্তারের কাছে যাই।

প্রশ্নকর্তা:এরকম কয়দিন ঔষধ খাওয়ান? ধরেনে ফার্মেসিতে আজকে গেলেন

উত্তরদাতা: ফার্মেসিতে আজকে গেলাম। মনে করেন তিনদিন গেলাম। একবারে তো ঔষধ মনে হয় এক সপ্তাহর দেয়না। হয়তো
তিনদিন বা পাঁচদিন একটা ঔষধ দেয়। এইডা খায়লে যদি ঠিক হয়ে যায় তাহলে হলোই। আর যদি নাহয় তাহলে আমরা একটা
ডাক্তারের কাছে যাওয়ার একটা ইয়ে নিই আরকি।

প্রশ্নকর্তা:সেক্ষেত্রে কোন ডাক্তারের কাছে যান? কোন হাসপাতালে?

উত্তরদাতা:বেশীরভাগ সরকারি মেডিকলে যাই।

প্রশ্নকর্তা:ঐযে যেটা পঞ্চগশ বেডের একটা দেখলাম আসার পথে

উত্তরদাতা:হ্যাঁ, টঙ্গী পঞ্চগশ শয্যা যেটা।

প্রশ্নকর্তা:এটাতো মনে হয় আড়াইশো বেড হচ্ছে শুনছি।

উত্তরদাতা:হ্যাঁ।

প্রশ্নকর্তা:ঐটাতে যান?

উত্তরদাতা:হ্যাঁ। ঐটাতে যাই।

প্রশ্নকর্তা:ঐটাতে গেলে কোন সমস্যা হয় ভাই? মানে ঐটাতো সরকারি হাসপাতাল

উত্তরদাতা:হ্যাঁ, সমস্যা তো অবশ্যই হয়।

প্রশ্নকর্তা:কি ধরনের সমস্যা?

উত্তরদাতা:যেমন সমস্যা যে লাইনে দাঁড়ায় থাকতে হয় অনেকক্ষন। তারপর সমস্ত রোগী ঐ এক নাম্বারে দেয়। একটা রুমে। ওরা
অতোটা গ্রাহ্য করেনা। জিজ্ঞাসা করলো। এইডা ঐডা হয়েছে, বাস শেষ। যাও, টেস্টে যাও। অমুকখানে যাও। অমুক মেডিকলে যাও,
তমুক মেডিকলে যাও। এটা মনে করেন টেস্ট করায় তারপর ওদের কাছে যায়তে হবে। এই আরকি। একটু ভক্কর চক্কর হয়।

প্রশ্নকর্তা:ভক্কর চক্কর বলতে কি সবসময় তারা টেস্ট দেয় বেশীরভাগ সময়?

উত্তরদাতা:হ্যাঁ। বেশীরভাগ সময় টেষ্ট দেয়।

প্রশ্নকর্তা: টেষ্ট দেয়। যে একটা মানুষ, গরীব মানুষ। আপনি যদি বলেন যে ভাই, আমি গরীব মানুষ। আমার পক্ষে তো আসলে এত জায়গায় যাওয়া সম্ভব নয়। আমাকে একটা দেখে ভালো ঔষধ দিয়ে দেন। তখন কি বলে তারা?

উত্তরদাতা:তখন হয়তো আমি এভাবে কখনো বলি নাই। কিন্তু নিজস্ব একটা আইডিয়ায় বোঝা যায় যে ওরা হয়তো কিছুটা সীমিত দেখা যায় ঐ পারসেন্টেজ লিখে দেবে আরকি। যে এখানে একশো টাকা বিল হবে। সেখানে গেলে হয়তো নব্বই টাকা বা পঁচানব্বই টাকা এরকম রাখে।

প্রশ্নকর্তা:ডিসকাউন্ট মানে

উত্তরদাতা:ডিসকাউন্ট হিসাবে ওরা একটা ইয়ে কইরা দেয়। এজন্য একটু ছাড় পাওয়া যায় আরকি। যেমন ডায়বেটিসের জন্য ঐয়ে আমার স্ত্রী গেলাম। তো ডাক্তারের কাছে বলা হয়েছে যে আমরা তো এই সীমিত ইনকাম, আমরা এমন। তো উনি একটা লিখে দিল ডিসকাউন্ট। তখন আমার প্রায় ছয়শো টাকার মতো ডিসকাউন্ট আইছে আমার। ১০:০০

প্রশ্নকর্তা:ওরে বাবা, অনেক টাকা। অনেক টাকা আপনার সেভ, সাশ্রয় হয়েছে।

উত্তরদাতা:হ্যাঁ।

প্রশ্নকর্তা:এটাই অনেক বড় একটা পাওয়া।

উত্তরদাতা:হ্যাঁ। উনিও ডাক্তারও খুব ভালো ডাক্তার।

প্রশ্নকর্তা:হ্যাঁ। টেষ্ট যদি করতে হয়, সেটা তো করতেই হবে। সেটাও ঠিক আছে। তো এইযে স্বাস্থ্যগত যে মানে যে এইযে হাসপাতালে যাবেন কিনা বা ফার্মেসিতে যাবেন এইযে একটা সিদ্ধান্ত নেওয়ার বিষয় আসলে আমি কোথায় যাবো, কোন সময়ে কোথায় যাবো। এই সিদ্ধান্তটা পরিবারের পক্ষ থেকে কে নেয়?

উত্তরদাতা:এটা বেশীরভাগ আমিই নিই।

প্রশ্নকর্তা:আপনিই নেন?

উত্তরদাতা:যেহেতু আমি এই পরিবারের গাজিয়ান।

প্রশ্নকর্তা: গাজিয়ান। সেটাই। মানে তো মানে যখন ডাক্তারের কাছে যান, তখন মানে ধরেন ভাবী অসুস্থ হলো বা বাচ্চা কাচ্চা অসুস্থ হলো বেশীরভাগ সময় কি নিয়ে যায়?

উত্তরদাতা:আমি যদি বাসায় থাকি আমি নিই, নইলে ওর আম্মুই নেয়।

প্রশ্নকর্তা:তাহলে বেশীরভাগ সময় কে নেয়?

উত্তরদাতা:বেশীরভাগ সময় ওর আম্মু যায়।

প্রশ্নকর্তা: আম্মু যায়।

উত্তরদাতা:যেহেতু ও বাসায় বেশীরভাগ থাকে।

প্রশ্নকর্তা:আচ্ছা। মানে মায়ের সাথে করে নিয়ে যায়, বাচ্চাদের নিয়ে যায়?

উত্তরদাতা:হ্যাঁ ।

প্রশ্নকর্তা:আর আপনি যদি নিজে অসুস্থ হন তাহলে

উত্তরদাতা:আমি অসুস্থ হলে যদি জরুরি সেরকম কোন অসুস্থ না হই তাহলে আমি নিজেই যাই । আর যদি একদম মানে বেশী অসুস্থ হয়ে যায় তাহলে আমার স্ত্রী নিয়ে যাবে, নিয়ে যায় ।

প্রশ্নকর্তা:যেহেতু আপনারা বড় দুইজনই । একজনকে তো একজনের দেখতে হবে সেটা ।

উত্তরদাতা:দুইজনই ।

প্রশ্নকর্তা:তো মানে এইযে আপনি যে সরকারি হাসপাতালে যান বা ফার্মেসিতে যান, এইযে জায়গাগুলোতে যাওয়ার সিদ্ধান্ত কার, যে ডিসিশানটা নেন, এটা কি কি বিষয় মাথায় রেখে এই সিদ্ধান্তটা নেন? প্রাথমিক চিকিৎসা করতে যান, আগে সেখানে বড় ধরনের কোন অসুখের জন্য যান

উত্তরদাতা:না । আমরা এরকম একটা সিদ্ধান্ত নিই যে আমার মেয়ে, মেয়েরই একটা উদাহরন দিয়ে বলি । যে আমার মেয়ে অসুস্থ । তো আমরা ডাক্তারের কাছে যায়তেছি যেমন ভালো কিছু ইয়ে করার জন্য । যেমন ভালো একটা ট্রিটমেন্ট আমরা পাই । হয়তো আমরা ফার্মেসিতে যেয়ে ঔষধ খাওয়াইছি , এইডা হয় নাই । তখনই আমি চাই যে একটা ভালো ডাক্তারের কাছে যায়য়া ভালো পরামর্শ নিয়া ভালো একটা ঔষধ দিতো, আমরা এটাই চাই । ও যে ঔষধ দেয়, ঐডাই আমরা কিনে খাওয়াই । চিন্তা ভাবনা করি যে এইডাই ভালো হবে ।

প্রশ্নকর্তা:মানে সেটাতো হাসপাতালে গেলে । আর ফার্মেসিতে গেলে

উত্তরদাতা: ফার্মেসিতে গেলে, ঐডা এতোটা ইয়ে থাকেনা । মানে ব্যাস, সেরে যাবে মনে হয় এরকম একটা মনের মধ্যে বিশ্বাস আছে যে সেরে যাবে, ঠিক হবে ।

প্রশ্নকর্তা: ফার্মেসিতে যিনি আছেন মানে ঐখানে খরচ কেমন, ফার্মেসিতে?

উত্তরদাতা:না । অতোটা না । যতোটা

প্রশ্নকর্তা:উনি কোন ইয়া নেয়, ভিজিট নেয়?

উত্তরদাতা:না ।

প্রশ্নকর্তা:ভিজিট নেয়না । তো উনার ঐখানে মানে শিক্ষাগত যোগ্যতা কি? যিনি ঔষধটা দেন, পড়াশোনা? স্বাস্থ্য লাইনে কোন পড়াশুনা আছে?

উত্তরদাতা: অতোটা তো আমি এইডা বলতে পারিনা ।

প্রশ্নকর্তা:এমনে ধারণা কি

উত্তরদাতা:ধারণা আমার মনে হয় আছে কিনা জানিনা । কিন্তু ও ঔষধ বিক্রি করতে করতে যে একটা অভিজ্ঞতা, আমরা ঐটাই বিশ্বাস করি যে ও দিতে পারবে ।

প্রশ্নকর্তা:আচ্ছা । মানে এক্সপেরিয়েন্স হয়ে গেছে?

উত্তরদাতা:হ্যাঁ। এটাই আরকি। কিন্তু আসলে কতটা যোগ্যতা বা স্বাস্থ্য সম্পর্কে পড়ালেখা আছে কিনা এটা আমার জানা নেই।

প্রশ্নকর্তা:তাহলে এইসে সুবিধা কি ভাই মানে ফার্মেসিতে গেলে সুবিধা কি?

উত্তরদাতা:সুবিধা এতটুকু যে ডাক্তারের কাছে গেলে সময় লাগে আর কথা হলো ডাক্তার একটু ইয়ে করে, আলসেমিও করে। এই জিনিসটা মানে আমাদের একটু খারাপ লাগে। এরজন্য আমরা ফার্মেসিতে আগে যাই।

প্রশ্নকর্তা: ফার্মেসিতে আগে যান, আচ্ছা। আর কোন বাঁধা কি আছে মানে ফার্মেসিতে গেলে কোন বাঁধা বা সমস্যা

উত্তরদাতা:না।

প্রশ্নকর্তা:আচ্ছা। আর একটা জিনিস হচ্ছে সরকারি যে হাসপাতালে যান, ঐটা আর ফার্মেসির চিকিৎসা, দুইটার মধ্যে কোন পার্থক্য কি আছে, ভাই?

উত্তরদাতা:পার্থক্য তো অবশ্যই আছে।

প্রশ্নকর্তা:মানে কি ধরনের পার্থক্য

উত্তরদাতা: ফার্মেসিতে যেমন সাধারণত ঔষধের জন্য আমরা যাই। ঐডাতো ভালো হবে যে এটা আমাদের নিজস্ব একটা বিশ্বাস, মনের। আর ডাক্তারের কাছে গেলে এতটুকু যে ডাক্তারের কাছে যায়তেছি। ঐডা নিজের একটা একেবারে বিশ্বাস ডাক্তারের উপরে। যে এখানে হবেই। আর আমরা ফার্মেসিতে যাই যে এখানো সাধারণত ইসের জন্য যাই। এটা অতোটা বিশ্বাস একটু কমই থাকে। কিন্তু ডাক্তারের কাছে গেলে, হ্যাঁ, ডাক্তারের কাছে যায়তেছি আমরা। মানে এটা সারবে, ভালো হবে।

প্রশ্নকর্তা:এইসে আপনি নিজেই বুঝতেছেন জিনিসটা। তারপরও কেন ফার্মেসিতে যান? একবারে তো সরাসরি তাহলে ডাক্তারের কাছে গেলেই হয়? ঠিক না?

উত্তরদাতা:অনেক সময় সময় হয়না যাওয়ার। মানুষ তো, ব্যস্ত থাকি। আমিও থাকি। ওর আশ্রুও বাসা নিয়ে অনেক সময় ব্যস্ত থাকে তো। কাছে কাছে ফার্মেসিতে আছে। কাছে থেকে নিয়ে আসা হয়। দূরে আর যাইনা। অনেক সময় দেখা যায় যে মেয়ে এমন একটা টাইমে অসুস্থ হয়েছে যেমন রাতে যদি অসুস্থ হয়, তাহলে রাতে আমরা ডাক্তার পাবোনা। একমাত্র যদিও পাই তাহলে যেতে হবে আপনার ঐ জরুরি যে ইসে, ঐখানে যেতে হয়। তো ঐখানে গেলে ডাক্তার অনেক সময় থাকে, অনেক সময় থাকেনা। এরজন্য তাড়াতাড়ি এখান থেকে আইনা খাওয়াই দিলাম ঔষধটা।

প্রশ্নকর্তা:বুঝতে পারছি।

উত্তরদাতা:ঠিক হইলো।

প্রশ্নকর্তা:তো কোন ঔষধের যদি দরকার হয় তাহলে আপনি বেশীরভাগ সময় কোথায় যান?

উত্তরদাতা: ফার্মেসিতেই যাই।

প্রশ্নকর্তা:ঐ একটা ফার্মেসিতেই?

উত্তরদাতা:হ্যাঁ। একটা ফার্মেসিতেই যাই। আরেকটা ফার্মেসি আছে কিন্তু ঐটাও বড় ভাইয়া হয়, পরিচিত আছে কিন্তু উনার কাছে অতোটা যাইনা। তবে এটায় বেশী যাই।

প্রশ্নকর্তা:ঐ ফার্মেসিটার নামকি যেটাতে বেশী যান?

উত্তরদাতা:এটা হলো ডা:২৯ ফার্মেসি।

প্রশ্নকর্তা: ডা:২৯ফার্মেসি। আর একটা যে বড় ভাই বললেন ১৫:০০

উত্তরদাতা:এটা হচ্ছে ফার্মেসিটার নাম মনে নেই। তবে ফার্মেসির উনার নাম মনে আছে।

প্রশ্নকর্তা:আচ্ছা, এটা কোন জায়গায়।

উত্তরদাতা:এটা স্টেশনে। আবেদা হসপিটালের নীচ তলায়।

প্রশ্নকর্তা:নীচ তলায়। এটা কি কিছুক্ষন আগে তো আমি নাম শুনলাম, ভুইয়া নাকি ভুইয়া?

উত্তরদাতা:না। ভুইয়া না। একবারে ঐ কর্নারের দোকানটা মেডিসিন কর্নার না মেডিসিন কর্নার না।

প্রশ্নকর্তা:একদম গলি দিয়ে ভিতরে ঢুকে

উত্তরদাতা:হ্যা, একবারে ঐয়ে কর্নারের দোকানটা। (সম্ভবত স্ট্রী - বসে)। ঐখানে আবার ডা:২৭একটা বসে।

প্রশ্নকর্তা:উনি কিসের ডাক্তার? ডা:২৭?

উত্তরদাতা:উনি শিশু বিশেষজ্ঞ।

প্রশ্নকর্তা: শিশু বিশেষজ্ঞ। পাস করা বড় ডাক্তার?

উত্তরদাতা:হ্যা। উনি বড় ডাক্তার। উনাকে ভিজিট দিতে হয়।

প্রশ্নকর্তা:তো উনার কাছে গেছেন কোন সময়?

উত্তরদাতা:হ্যা। উনার সাথে আমার মেয়ে দুইবার নিয়ে গেছি।

প্রশ্নকর্তা:কি হয়ছিল? কিজন্য নিয়ে গেছেন?

উত্তরদাতা:একটা হয়ছিল মেয়ে আমার অর্পচি ছিল। একবারে কিছু টোটালি খায়তোনা। আর একটা মনে হয় নিউমোনিয়া হয়ছিল।

প্রশ্নকর্তা:এটা কতদিন আগে হয়ছিল?

উত্তরদাতা:এটা যখন দুই বছর বয়স, তখন।

প্রশ্নকর্তা:ছোট ছিল।

উত্তরদাতা:তখন ছোট ছিল।

প্রশ্নকর্তা:পরে মানে উনি কি দিছিল, খেয়াল আছে?

উত্তরদাতা:ঔষধ দিছিল।

প্রশ্নকর্তা:কি ঔষধ? এটা কি নরমাল ঔষধ নাকি এন্টিবায়োটিক, পাওয়ারি

উত্তরদাতা: এন্টিবায়োটিক দিছিল।

প্রশ্নকর্তা: এন্টিবায়োটিক?

উত্তরদাতা: হ্যা, এন্টিবায়োটিক দিচ্ছিল।

প্রশ্নকর্তা:মানে এটা কয়দিনের জন্য দিচ্ছিল?

উত্তরদাতা: এন্টিবায়োটিক মনে হয় সাতদিনের।

প্রশ্নকর্তা:মানে একজনেরই তো হয়েছিল?

উত্তরদাতা:হ্যা।

প্রশ্নকর্তা:তো সাতদিনের কয়দিন খাওয়ায়ছেন?

উত্তরদাতা:আমরা ফুল ডোজ খাওয়াইছি।

প্রশ্নকর্তা: ফুল ডোজ খাওয়াইছেন? মানে দিনে কয়বার করে বলছিল?

উত্তরদাতা:দিনে এন্টিবায়োটিকটা মনে হয় দুইবার। আমার অতোটা মনে নাই। দুই বছর আগে। দুইবার।

প্রশ্নকর্তা:দুইবার করে খাওয়াইছেন?

উত্তরদাতা:হ্যা।

প্রশ্নকর্তা: তো এইযে সাতদিন খাওয়ানোর পরে কি ভালো হয়ে গেছিল বাচ্চা?

উত্তরদাতা:হ্যা, ভালো হয়েছে। আবারো সুস্থ হয়েছে।

প্রশ্নকর্তা:তো এইযে ভাই বলতেছিলেন যে কোন ঔষধের দরকার হলে আপনি ফার্মেসিতে যান। বিশেষ করে এখানে একটা বললেন যে যার কাছে বেশী যান, কিজানি নাম বললেন

উত্তরদাতা:এটা ডা:২৯ ফার্মেসি।

প্রশ্নকর্তা:তো এই ডা:২৯ ফার্মেসি বা ফার্মেসি থেকে ঔষধ আনতে হবে। এইযে ডিসিশান, সিদ্ধান্ত নেওয়া, এটাতো একটা ডিসিশান নিতে হয়না?

উত্তরদাতা:হ্যা।

প্রশ্নকর্তা:যে আমি এখানে যাবো বা আমার ওয়াইফ এখান থেকে ঔষধ কিনে আনবে। এই সিদ্ধান্তটা কে নেয়?

উত্তরদাতা:ঐ সিদ্ধান্তটা আমিই দিই।

প্রশ্নকর্তা:আপনিই দেন? দো দোকানে কে যায় বেশীরভাগ? ভাবী যায় =

উত্তরদাতা:ভাবী যায় বেশী।

প্রশ্নকর্তা:আপনার স্ত্রী যায়।

উত্তরদাতা:হ্যাঁ ।

প্রশ্নকর্তা:তো মানে এইযে ফর্মেসিতে যান, এটাতে গেলে মানে কি লাভ?

উত্তরদাতা: লাভ আমাদের কোন কিছু না । শুধু লাভ যে একটা পরিচিত লোক আছে । টক কইরা ওর কাছ থেকে নিয়ে আসি । এই আরকি । লাভ কিছু না ।

প্রশ্নকর্তা:এটা কি ঘরের কাছে?

উত্তরদাতা:হ্যাঁ, এটা ঘরের কাছে ।

প্রশ্নকর্তা:খরচ কেমন? খরচ?

উত্তরদাতা:খরচ যে একদম কম, তাও না । মোটামুটি ঔষধের যা দাম, তাই রাখে ।

প্রশ্নকর্তা:মানে একটু কম বেশী কি রাখে?

উত্তরদাতা:না । হ্যাঁ, একটু কম বেশী হয় । মানে সম্মানের জন্য বা

প্রশ্নকর্তা:পরিচিত হিসাবে

উত্তরদাতা: পরিচিত হিসাবে একটু কম রাখে । যেমন ঔষধের দাম যদি হয় একশো দশ টাকা । একশো টাকা রাখলো, দশ টাকা ছাড় দিলো । এই আরকি ।

প্রশ্নকর্তা:আর ঐযে আপনার, যিনি দিচ্ছেন, উনার শিক্ষাগত যোগ্যতা কেমন?

উত্তরদাতা:এটা বলতে পারিনা । মানে উনার শিক্ষাগত

প্রশ্নকর্তা:উনি কি ডাক্তারি লাইনে কোন পড়াশুনা করছে?

উত্তরদাতা:না । মনে হয়না । এতোটা বলতে পারিনা । হয়তে পারে ।

প্রশ্নকর্তা:পল্লী চিকিৎসকের কোর্স, সে কি পড়ছে সেটা জানেন না এমনি ডাক্তারি লাইনে কোন পড়াশোনা করেন নি ।

উত্তরদাতা:হ্যাঁ, এটাও বলতে পারিনা আমি ।

প্রশ্নকর্তা:এটাও বলতে পারেন না । তো তার কাছে যে লাষ্টবার কবে গেছিলেন বললেন ভাই? কোন সমস্যা কি আছে তার কাছে ফর্মেসিতে গেলে?

উত্তরদাতা:না । সমস্যা হয়না ।

প্রশ্নকর্তা:আচ্ছা । সর্বশেষ কবে গেছিলেন বললেন তার কাছে?

উত্তরদাতা:সর্বশেষ এইযে দুইদিন আগে গেলাম । (স্ত্রী - পরশু দিন) পরশুদিন ।

প্রশ্নকর্তা: মানে এই বাচ্চার জন্য?

উত্তরদাতা:হ্যাঁ । বাচ্চার জন্য । একটা কাশির সিরাপ আনা হয়েছে আর একটা নাপা এই যে জ্বরের ।

প্রশ্নকর্তা:এই দুইদিনে সুস্থ হয়ে গেছে ওরা?

উত্তরদাতা:হ্যা, সুস্থ তো।

প্রশ্নকর্তা:ঔষধ খাচ্ছে এখন?

উত্তরদাতা:হ্যা, এখনো ঔষধ খাচ্ছে।

প্রশ্নকর্তা:মানে তাহলে তো অসুস্থতা এখনো আছে শরীরের মধ্যে?

উত্তরদাতা:হ্যা। একেবারে তো মানে সম্পূর্ণ তো ভালো হয়নি ওরা? এখন ঐষে সুস্থ হয়েছে। কিন্তুডাঃ২৯ বলছে যে, পুরা ডোজটা খাওয়ায় দিও। জ্বরের টা না। তবে কাশেরটা পুরা ডোজটা খাওয়ায় দিও। আর জ্বর যাবে তখন আর খাওয়ানোর দরকার নেই।

প্রশ্নকর্তা:একজনের হয়েছে নাকি দুইজনের?

উত্তরদাতা:একজনের হয়েছে।

প্রশ্নকর্তা:তো এখন জ্বর কি ভালো হয়েছে? জ্বর কাশি?

উত্তরদাতা:হ্যা। জ্বর কাশি, কাশিটাও কমে গেছে, জ্বরটা ভালো হয়েছে।

প্রশ্নকর্তা:ভালো হয়েছে। কাশি আছে?

উত্তরদাতা:কাশি হালকা আছে।

প্রশ্নকর্তা:হালকা আছে।

উত্তরদাতা:ঠিক হয়ে যাবে।

প্রশ্নকর্তা:ঠিক হয়ে যাবে। ঔষধটা কয়দিনের জন্য দিচ্ছে ভাই?

উত্তরদাতা:ঔষধ মানে একটা ইয়ে তো বোতল। যে কয়দিন যায় ডোজ খাওয়ার জন্য।

প্রশ্নকর্তা:মানে এমানে মুখে বলে দেয় নাই কিভাবে খাওয়াবেন?

উত্তরদাতা: (স্ট্রী - সাতদিন) সাতদিন।

প্রশ্নকর্তা:তার মানে সে তো এখন অসুস্থ ভাই তাহলে

উত্তরদাতা:হ্যা।

প্রশ্নকর্তা:যেহেতু ঔষধ খাচ্ছে, সে তো এখন অসুস্থ?

উত্তরদাতা:হ্যা।

প্রশ্নকর্তা:তো মানে এটা কি ঔষধ দিচ্ছে, এখানে নাম আছে তো এই ঔষধ টা?

উত্তরদাতা:না। ওর ঔষধটা আমি দেখাইতেছি এখন। এই তো।

প্রশ্নকর্তা:এটা না? এটার দাম কেমন ভাই?

উত্তরদাতা:একটা বিশ টাকা একটা পঞ্চাশ টাকা।

প্রশ্নকর্তা:এলসেট একটা দিচ্ছে। আর একটা হচ্ছে

উত্তরদাতা:রেনোভা।

প্রশ্নকর্তা:রেনোভা। দুইটা ঔষধ দিচ্ছে। একটা বিশ টাকা একটা পঞ্চাশ টাকা।

উত্তরদাতা:হ্যাঁ।

প্রশ্নকর্তা:এগুলো কি এন্টিবায়োটিক বলছে কিছু?

উত্তরদাতা:না। সেরকম কিছু আমাদের বলে নাই?

প্রশ্নকর্তা:এমনে ঔষধ দিয়ে দিচ্ছে? ২০:০০

উত্তরদাতা:হ্যাঁ।

প্রশ্নকর্তা:তো মানে যেটা বলতেছিলাম ভাই ঐখানে কি ধরনের ঔষধ বিক্রি করে ফার্মেসিতে?

উত্তরদাতা:ঐখানে সব ধরনেরই ঔষধ আছে।

প্রশ্নকর্তা: এন্টিবায়োটিক আছে?

উত্তরদাতা:হ্যাঁ। এন্টিবায়োটিক আছে। সব আছে।

প্রশ্নকর্তা:সাধারণ ঔষধগুলো

উত্তরদাতা:হ্যাঁ, সব আছে।

প্রশ্নকর্তা:গরু ছাগল, হহাঁস মুরগি বা অন্য কোন ঔষধ বিক্রি করে?

উত্তরদাতা:এটাতো বলতে পারিনা।

প্রশ্নকর্তা:মানুষেরটা বিক্রি করে নাকি গরু ছাগলেরটাও আছে?

উত্তরদাতা:এটাতো বলতে পারিনা। তবে আছে কিনা ও বলতে পারবে।

প্রশ্নকর্তা:ও বলতে পারবে?

উত্তরদাতা:আমরা তো গরু ছাগল বা কিছু আনি নাই।

প্রশ্নকর্তা:আমরা আসলে বিভিন্ন জায়গায় যাচ্ছি তো আমরা দেখছি যে কিছু কিছু বিশেষ করে গ্রামের দিকে, শহরেও আছে। কিছু কিছু ফার্মেসি দুই ধরনের ঔষধই রাখে। কারন ধরেন যারা ঘরের মধ্যে গরু ছাগল পালে ওরা ঐ কিছু কিছু জায়গায় আলাদাভাবে ওদের জন্য ফার্মেসি আছে। আবার কিছু জায়গায় মানুষ এবং গরুর জন্য আলাদা আলাদাভাবে একই ফার্মেসিতে রাখে।

উত্তরদাতা:হয় এরকম হয়তো ।

প্রশ্নকর্তা:এরকম বিক্রি হয় । সেজন্যই কথাটা বললাম । এখন যেটা জানতে চাচ্ছিলাম ভাই, এন্টিবায়োটিক আমরা বারবার বলি এন্টিবায়োটিক, এন্টিবায়োটিক । তো এন্টিবায়োটিক এটা আসলে কি? জিনিসটা কি? এটা বুঝিয়ে বলতে পারবেন?

উত্তরদাতা: এন্টিবায়োটিক যে জিনিসটা কি, আমি তো বলতে পারিনা । যেহেতু আমি ডাক্তার না । আমার ডাক্তার লাইনে

প্রশ্নকর্তা:আমি একটু খুলে বলি । যেমন আমরা বলি না যে পাওয়ারের ঔষধ

উত্তরদাতা:হ্যাঁ ।

প্রশ্নকর্তা:যদি যে ঔষধটা ধরেন আপনাকে একটা সাধারণ ঔষধ দিল, ঔষধটা খেয়ে ভালো হচ্ছেন না তখন ডাক্তার আর একটু বেশী পাওয়ার বাড়িয়ে একটু দামী ঔষধ দিল । সেটাকে আমরা যদি বলি এন্টিবায়োটিক । তাহলে এটা এন্টিবায়োটিক ঔষধটা, এই ঔষধটার কাজটা কি আসলে? এটা খায়লে কি হয়?

উত্তরদাতা:এটা অতোটা বলতে পারিনা । অতো আমরা ঔষধ বিষয়ে অভিজ্ঞ না ।

প্রশ্নকর্তা:কোন সময় অসুস্থ হয়েছেন বা ভাবী হয়েছে বা বাচ্চারা যে হচ্ছে বারবার, ডাক্তারের কাছে গেলে আপনি কোন সময় ধরেন একশো টাকার উপরে বা একশো বিশ টাকা দেড়শো টাকা এরকম ঔষধ আনছেন কোন সময়?

উত্তরদাতা:হ্যাঁ । আনছি ।

প্রশ্নকর্তা:আনছেন? কার জন্য আনছেন এটা?

উত্তরদাতা:এটা মেয়ের জন্য আনছি ।

প্রশ্নকর্তা:মেয়ের জন্য আনছেন?

উত্তরদাতা:আমার স্ত্রীর জন্য আনছি ।

প্রশ্নকর্তা:স্ত্রীর জন্য আনছেন? এটা কবে কতদিন আগে আনছেন?

উত্তরদাতা: স্ত্রীর জন্য তো এইয়ে আনলাম । আপনার এইয়ে ডায়বেটিসের ঔষধ আনলাম । অনেক টাকার ঔষধ আনছি ।

প্রশ্নকর্তা:অনেক টাকার ঔষধ আনছেন?

উত্তরদাতা:প্রায় তের শ চৌদ্দশ টাকার ঔষধ আনছি ।

প্রশ্নকর্তা:ওরে বাবা । আচ্ছা আমি দেখবো ঐগুলো । আমি যেটা বলছিলাম এটাইয়ে বাচ্চার জন্য যে দাম দিয়ে ঔষধটা আনছেন, এটাকে আমরা যদি ধরেন একটা এন্টিবায়োটিক বা পাওয়ারের ঔষধ, কথার কথা এমনি যদি ধরি, তাহলে এই ঔষধটা কি, যদি একটু বুঝিয়ে বলেন আমাকে । যেমন একটা তো হচ্ছে সাধারণ ঔষধ । যদি আমরা নাপা বা অন্য একটা ঔষধ বলি গ্যাসের ঔষধ বা ইয়ার ঔষধ, তাহলে এই এন্টিবায়োটিক ঔষধটার কাজটা কি আসলে? এটা কি করে?

উত্তরদাতা: এন্টিবায়োটিকটা ঔষধটা কাজ করে আসলে আমরা তো এতটুকু বলতে পারবোনা । তারপরও যতটুকু

প্রশ্নকর্তা:যতটুকু জানেন

উত্তরদাতা:হ্যাঁ। জানি যে এন্টিবায়োটিক ঔষধটা তাড়াতাড়ি সুস্থ হয়।

প্রশ্নকর্তা: তাড়াতাড়ি হয়।

উত্তরদাতা:বা একটা জিনিস হচ্ছে এন্টিবায়োটিকে নাকি শুনছি একটা অসুখ ভালো করেনা, আরো আশেপাশে অসুখ থাকলে এটাও মোটামুটি ঠিক করে বা ঠিক হয়। এছাড়া আমরা তো আর অতো কিছু বলতে পারিনা। যতটুকু শোনা আর কি বা জানা। এতটুকু, আর কিছু বলতে পারিনা।

প্রশ্নকর্তা:আপনি বলছেন যে এন্টিবায়োটিক শুধু একটা অসুখ না, আশেপাশে অন্যান্য অসুখগুলোকেও সারায় ফেলে?

উত্তরদাতা:হ্যাঁ। সারায়। এরকম একটা

প্রশ্নকর্তা:সারায়। আর এন্টিবায়োটিক খেলে রোগটা কি দ্রুত ভালো হয় নাকি সময় লাগে?

উত্তরদাতা: দ্রুত ভালো হয় এরকম ইয়া আমাদের হয় আরকি। দ্রুতই ভালো হয়।

প্রশ্নকর্তা:এটা কি আপনারা ঔষধ খায়তে গিয়ে অনুভব করছেন এটা?

উত্তরদাতা:হ্যাঁ, অনুভব করছি। তাড়াতাড়ি ভালো হয় এবং সুস্থ হয় তাড়াতাড়ি।

প্রশ্নকর্তা:ধরেন এন্টিবায়োটিক বাচ্চার জ্বর হয়েছে, এজন্য দিচ্ছে। ভাবীর ডায়বেটিস হয়েছে এজন্য এন্টিবায়োটিক দিচ্ছে ডাক্তার। এখন আর কি কি রোগের জন্য এন্টিবায়োটিক খাওয়া হয় বা ব্যবহার করা হয়? কয়েকটা রোগ বলতে পারবেন? কি কি কাজের জন্য?

উত্তরদাতা:জ্বরের জন্য এন্টিবায়োটিক খাওয়াইছি। তারপর যদে কোন ব্যথা বেদনা থাকে, এজন্য এন্টিবায়োটিক খাইছি আমি। তারপর ওর যে মেয়ের মায়ের জন্য ডায়বেটিসের জন্য এন্টিবায়োটিক দিচ্ছে। এসমস্ত জন্য আরকি।

প্রশ্নকর্তা:আর অন্য কোন ধরেন অপারেশন বা কাটাছেড়া আর কিছুর জন্য কি ব্যবহার হতে পারে?

উত্তরদাতা:হ্যাঁ, অবশ্যই। কাটাছেড়া তারপর অপারেশন এগুলার জন্য তো এন্টিবায়োটিকই দেয় সাধারনত। আমরা যেটা জানি আরকি। এটা এন্টিবায়োটিকের জন্যই বেশী ভালো। যতটা দ্রুত কাজ করে, এটার জন্য এন্টিবায়োটিকটাই মানুষ বেশী ঐ ধরনের জন্য বেশী ব্যবহার করে। সাধারনত যেগুলো জটিলতা বেশী হয় অসুখ ওগুলার জন্য এন্টিবায়োটিক দেয়, আমরা যেটা জানি আরকি। ডাক্তাররা যেন দ্রুত কাজ করে বা এরজন্য এন্টিবায়োটিকটা দেওয়া হয়, খায় এটা জানি।

প্রশ্নকর্তা:ধরেন এন্টিবায়োটিকটা একটা মানুষের শরীরে ঢুকলো। ঢুকার পরে ও কি কাজ করে? কিভাবে আস্তে আস্তে যে বলতেছেন, ভালো করে। কেমনে ভালো করে, কিভাবে সে কাজটা করে শরীরে?

উত্তরদাতা:শরীরে কি কাজ করবে, এখন মোটামুটি দেখা যায় যে খাইলাম এখন, সকালে খাইলাম, দুপুরের মধ্যে এটা অনুভব করা যায় যে এটা কাজ হয়েছে।

প্রশ্নকর্তা:ভালো লাগতেছে?

উত্তরদাতা: ভালো লাগতেছে, বোঝা যায়। যেমন একটা ব্যথার জন্য খাইলাম, রাতে খাইলাম। সকাল হয়তে হয়তে ব্যথাটা অনেকটাই কমে যায়। মানে একশোর মধ্যে আপনার আশি পারসেন্ট কমে যায়। বিশ পারসেন্ট, এরকম হয়। এন্টিবায়োটিকটা খায়লে। ২৫:০০

প্রশ্নকর্তা:তাহলে এটা একটা উপকার।

উত্তরদাতা:এটা একটা উপকার।

প্রশ্নকর্তা:এছাড়া আর কোন উপকার কি হয় ভাই, একটা কিছুক্ষন আগে বলতেছেন যে, শুনছি যে অন্যান্য কিছু অসুখও এন্টিবায়োটিক যেটা মূল অসুখ এটার সাথে ঐগুলারও ভালো করে ফেলে।

উত্তরদাতা:হ্যা, শুনছি।

প্রশ্নকর্তা:এটা একটা উপকার

উত্তরদাতা:হ্যা। এটা একটা উপকার হয়। কিন্তু শুনছি এটা, আমি তো আর ভিতর থেকে যেমন একটা ব্যথা, আমি ব্যথার জন্য ঔষধটা খাইলাম। আমার কিন্তু টার্গেটটা ব্যথার জায়গায়। কিন্তু অন্য অসুখ যে ভালো হয়েছে কিনা বা হয়তেছে, ঐদিক দিয়ে কিন্তু আমার কোন খেয়াল নাই। মানে হয়লে হতে পারে। এই আর কি।

প্রশ্নকর্তা:এটা কোন জায়গা থেকে শুনছেন এটা?

উত্তরদাতা:এটা বিভিন্ন রকমের দেখা যায়, একখানে পাঁচজন বসলাম। কথায় কথায় বলা হয় আরকি। কিন্তু কোন ডাক্তার বা কোন এরকম কোন লোকের কাছ থেকে আমি শুনি নাই। বা কোন ডাক্তার বলেও নাই এই কথা যে এন্টিবায়োটিকটা এটা খেলাম। অন্যান্য ঔষধও সারবে এটার মধ্যে। এটা কোন ডাক্তার আমাকে বলে নাই। এটা নিজেরা নিজেরা পাঁচজনে একখানে বসলাম। পাঁচ কথা বলতে বলতে এরকম একটা কথা হয়তো উঠে। তখন শোনা হয়।

প্রশ্নকর্তা:আচ্ছা। এন্টিবায়োটিকগুলো সাধারণত কোথায় পান মানে কোন জায়গা থেকে আনেন ঐগুলো?

উত্তরদাতা:ফার্মেসি থেকে আনি। আর ডাক্তাররাই, ঐ এন্টিবায়োটিকটা আবার ইয়ে করে আনি। ডাক্তার ছাড়া যে একটা এন্টিবায়োটিক দিয়ে দিবেন, আর ঐ এন্টিবায়োটিকটা খায়রা অন্য ক্ষতিও তো হতে পারে। যেমন এই অসুখটার জন্য এন্টিবায়োটিক প্রযোজ্য না, মানে দরকার নাই। কিন্তু ফার্মেসিওয়ালা হয়তো দিয়েও দিতে পারে। এজন্য আমি এন্টিবায়োটিকটা ঐভাবে আনি। ডাক্তার ছাড়া।

প্রশ্নকর্তা:ডাক্তার ছাড়া?

উত্তরদাতা:হ্যা। ক্ষতিও তো হয়তে পারে এন্টিবায়োটিকে।

প্রশ্নকর্তা:আচ্ছা। মানে এইযে ফার্মেসি থেকে আনেন মানে কেন আনেন ফার্মেসি থেকে, এই ফার্মেসি থেকে কেন আনেন?

উত্তরদাতা: ফার্মেসি থেকে আনি ঐযে বললাম প্রথমে যে আমার একটা বিশ্বাস আছে যে এর কাছ থেকে ঔষধ খেলে আমি ভালো হই বা হয়তেছি, সেজন্য মানে টুকটাকির জন্য ও কাছে যাই। আর ও বলেও দেয় অনেক সময় যে অসুখ এটা হয়ছে তাহলে তুমি ইয়ে কর, ডাক্তারের কাছে একটা প্রেসক্রিপশন করে নিয়ে আসো। ভালো হবে। যেহেতু এটা একটু সাধারণ অসুখ না, এটা একটু বড় ধরনের। জ্বর কাশি হালকা পাতলা, গ্যাস্ট্রিক ম্যাগ্নিকের ব্যথা, এগুলো দেওয়া যায়। কিন্তু একটু জটিলতা হলে ও আর দেয়না। ও বলেই দেয় যে ডাক্তারের কাছে একটা প্রেসক্রিপশন করে নিয়ে আসো।

প্রশ্নকর্তা:মানে এযে ফার্মেসিতে যিনি ঔষধ বিক্রি করেন?

উত্তরদাতা:হ্যা। ও বলে।

প্রশ্নকর্তা:কি নাম উনার?

উত্তরদাতা: ডা:২৯।

প্রশ্নকর্তা: ডা:২৯। তো মানে এখন যেটা জানতে চাচ্ছিলাম যে ধরেন এন্টিবায়োটিক যে খাচ্ছেন, তো খায়তে গিয়ে আপনি একটু অগে বরতেছিলেন যে অনেক ধরনের ক্ষতিও হতে পারে। যে এন্টিবায়োটিক যে ভালো করতেছে, তা না। ক্ষতি হতে পারে। কি ধরনের ক্ষতি হতে পারে ভাই একটা ক। সতি কি বলতে পারবেন? কি ধরনের

উত্তরদাতা: ক্ষতি অনেকের শুনছি যে এন্টিবায়োটিক বেশী খায়লে চুল পড়ে যায় আবার অনেকের চোখে সমস্যা। অনেকের দেকেনা, মাথা ঘুরায় এরকম আরকি। এই ধরনের।

প্রশ্নকর্তা: সুন্দর বলছেন। আসলে আমারও তো এখন চুল আস্তে আস্তে হালকা হয়ে যাচ্ছে। আমারও ভয় লাগতেছে।

উত্তরদাতা: এরকম শুন আরকি।

প্রশ্নকর্তা: তো যেটা হচ্ছে মানে এন্টিবায়োটিকের এটা মানে আমরা কি বলবো, সাইড এফেক্ট বা এন্টিবায়োটিক তো তাহলে ক্ষতিও করে মানুষের নাকি

উত্তরদাতা: এটা শুনছি আরকি। যে অতিরিক্ত

প্রশ্নকর্তা: কার কাছে শুনছেন এটা?

উত্তরদাতা: এটা ওরকম মানুষের কাছে শোনা আরকি।

প্রশ্নকর্তা: আচ্ছা। নিজেরা নিজেরা

উত্তরদাতা: হ্যা। নিজেরা নিজেরা।

প্রশ্নকর্তা: কোন ডাক্তার বা কারো কাছ থেকে এটা কি শুনছেন?

উত্তরদাতা: না। এটা শুনি নাই।

প্রশ্নকর্তা: তো আপনি যে এন্টিবায়োটিক কিনে এইসে ভাবী বা বাচ্চাদের জন্য তো অনেকবার কিনছেন, যে ওদের যে সাড়ে চার বছর বয়স, এই বয়সের মধ্যে অনেক বার তো কেনা হয়েছে। কোন নির্দিষ্ট এন্টিবায়োটিকের প্রতি আপনার মানে ভালো লাগা এরকম আছে যে ডাক্তার দিচ্ছে, এটা তো অনেক দিন খাওয়াই। আমি এই কোম্পানিরটা খাওয়ানো বা আমি এই ঔষধটা কিনি, এটা খাওয়াই। এরকম কোন পছন্দ আছে আপনার নিজের এন্টিবায়োটিক কেনার ক্ষেত্রে?

উত্তরদাতা: পছন্দ আছে।

প্রশ্নকর্তা: এটা কোনটা?

উত্তরদাতা: এটা বিভিন্ন যেমন ভালো কোম্পানির সবাই জানে। স্কয়ার কোম্পানি ভালো, অপসোনির কোম্পানি ভালো, তারপর এখানে আছে যে ড্রাগ ইন্টারন্যাশনাল এটা মোটামুটি ভালো। রেনাটা এগুলো মনে করেন আমার বিশ্বাস আছে যে এগুলো কোম্পানি ভালো।

প্রশ্নকর্তা: তো সেক্ষেত্রে ধরেন ডাক্তার আপনাকে লিখে দিল যে আপনি এটা এটা খাওয়ানো, সেটা হচ্ছে যে ধরেন অন্য কোন ফার্মেসির বা নিম্ন মানের। আপনি নিজেই বুঝতেছেন যে এটা মিল্লাত কোম্পানির বা অন্য একটা কোম্পানির যেটা খুব হালকা কোম্পানি বা আমার কাছে ভালো লাগতেছেন।

উত্তরদাতা: সেক্ষেত্রে আমরা চাই যে ডাক্তার যেটা দিচ্ছে ঐটাই দাও। কারন ডাক্তার এটা বুঝে শুনেই দিচ্ছে। যেহেতু সে ডাক্তার। আমরা তো সাধারণ মানুষ। ডাক্তার যেটা ঔষধ দিচ্ছে, সেটাই দাও। এহন এটা ভালো কোম্পানি হোক, বা খারাপ কোম্পানি হোক। ঐটায় আমরা ডাক্তারের প্রতি বিশ্বাস আছে।

প্রশ্নকর্তা: তার মানে ডাক্তার যেটা দেয়, আপনি ঐটা কেনার চেষ্টা করেন?

উত্তরদাতা: হ্যা, ঐটাই কেনার চেষ্টা করি।

প্রশ্নকর্তা: মানে আপনি কি মনে করতে পারেন শেষবার আপনার পরিবারের কার জন্য এন্টিবায়োটিক কিনছিলেন?

উত্তরদাতা: শেষবার এই তো এর ডায়বেটিসের জন্য। এরপর আর শেষবার আর কারো না।

প্রশ্নকর্তা: উনার ডায়বেটিসের জন্য এন্টিবায়োটিক দিচ্ছে। তো বাচ্চার যে হয়ছিল বলছিলেন, ঔষধ আমাকে দেখালেন। রেনোভার একটা ঔষধ আনছেন আপনি, তো এগুলো খেয়ে সে ভালো হয়েছে? আপনার কাছে মনে হয় এগুলো এন্টিবায়োটিক বা সাধারণ ঔষধ কি মনে হয়?

উত্তরদাতা: আমার কাছে তো মনে হয়না এগুলো এন্টিবায়োটিক। যেহেতু আমি চিনিনা, বুঝিনা।

প্রশ্নকর্তা: এইযে রেনোভা আর অলসেট, না?

উত্তরদাতা: হ্যা।

প্রশ্নকর্তা: এটা রেনোভা কি লিখছে বানান? আর ই এন ও ভি এ। রেনোভা

উত্তরদাতা: হ্যা।

প্রশ্নকর্তা: আর অলসেট, এ এল সি ই টি, না? ৩০:০০

উত্তরদাতা: হ্যা।

প্রশ্নকর্তা: অলসেট। সিব্রুটি এমএল এটা। আর এটা হচ্ছে রেনোভা। এটাও সিব্রুটি এমএল। ষাট এমএল। সিব্রুটি এমএল।

উত্তরদাতা: আর বেকাম্পানি হচ্ছে এটা অপসোনিন

প্রশ্নকর্তা: আচ্ছা, একটা অপসোনিন এর আর একটা ইয়ে। এটা হচ্ছে ড্রাগের নাকি

উত্তরদাতা: না। ড্রাগের না।

প্রশ্নকর্তা: হেলথ কেয়ার

উত্তরদাতা: হ্যা।

প্রশ্নকর্তা: আচ্ছা। হেলথ কেয়ারের। হেলথ কেয়ার ইন্টারন্যাশনাল। তো এইযে মনে হয় যে এগুলো এন্টিবায়োটিক না। আমি আসলে ডাক্তার না। আমিও বলতে পারবোনা। তবে যেহেতু অনেক সময় বোঝা যায় যে এভাবে দাম বেশী হলে আমরা মনে করি যে এটা এন্টিবায়োটিক।

উত্তরদাতা: এন্টিবায়োটিক, হ্যাঁ। অনেকেই দাম বেশী হলেই মনে করে এটা এন্টিবায়োটিক। কিন্তু আমার কাছে কিন্তু আমি ঐ জিনিসটা ইয়ে করিনা। দাম বেশী হলেই যে এন্টিবায়োটিক সেটা না।

প্রশ্নকর্তা:না, না। ঔষধের বিভিন্ন ধরন আছে।

উত্তরদাতা: বিভিন্ন ধরন আছে।

প্রশ্নকর্তা: সেজন্য কোনটা যে কি, ডাক্তার ছাড়া বলা এটা কঠিন।

উত্তরদাতা:কঠিন।

প্রশ্নকর্তা: তো এইযে শেষবার যে আনছিলেন বাচ্চার জন্য আনছিলেন, এগুলো আনছিলেন, তো মানে সেগুলো গত পরশুদিন আনছিলেন, না?

উত্তরদাতা:হ্যাঁ। পরশুদিন।

প্রশ্নকর্তা:এই দুইটা সিরাপাই দিছিল?

উত্তরদাতা:হ্যাঁ। এই দুইটা।

প্রশ্নকর্তা:মানে দিনে কয়টা, কয়বার করে খাওয়াতে বলছে দিনে?

উত্তরদাতা:এটা দুইবার মানে সকালে বিকালে।

প্রশ্নকর্তা:সকালে আর বিকালে। আচ্ছা, দুইবার করে। কয়দিন খাওয়াতে বলে ভাই?

উত্তরদাতা:সাতদিন।

প্রশ্নকর্তা:সাতদিন। এটা কি ঐ ফার্মেসি যেখান থেকে আপনি

উত্তরদাতা:হ্যাঁ, ঐখান থেকে।

প্রশ্নকর্তা:কি ফার্মেসি নাম বললেন? আমি বারবার ভুলে যাই।

উত্তরদাতা:এটা ডা:২৯।

প্রশ্নকর্তা: ডা:২৯। ডা:২৯ ফার্মেসি, না?

উত্তরদাতা:হ্যাঁ।

প্রশ্নকর্তা:ঐখান থেকে আনেন। তো আনতে কি কোন প্রেসক্রিপশন বা কিছু লাগছিল বা উনি নিজেই মুখে বলে দিছিল বা

উত্তরদাতা:ও নিজে, আমরা বলছি। ও ঔষধ দিয়ে দিছে।

প্রশ্নকর্তা:দিয়ে দিছে। মানে রোগের কথা বলছেন?

উত্তরদাতা:হ্যাঁ।

প্রশ্নকর্তা:ঔষধ দিচ্ছে। কোন প্রেসক্রিপশন দেয়নি?

উত্তরদাতা:না।

প্রশ্নকর্তা:তো কত টাকা লাগছিল ভাই বলছিলেন দুইটাতে?

উত্তরদাতা:সত্তর টাকা।

প্রশ্নকর্তা:সত্তর টাকা। দুইটাতে?

উত্তরদাতা:হ্যাঁ।

প্রশ্নকর্তা:সত্তর টাকা গেছে, আচ্ছা। তো মানে দাম সম্পর্কে, এইযে ঔষধের দাম ভাই, আপনার কাছে কি মনে হয় যে দুই বোতল ঔষধ যে আনছেন সত্তর টাকা। এটা কি বেশী নাকি কম?

উত্তরদাতা:এখন গায়ে যে রেটটা আছে এটাই নিচ্ছে ও।

প্রশ্নকর্তা:না না। মানুষের তো একটা সার্মথ্য আছে। ধরেন আপনি মাসে পনের হাজার টাকা আয় করেন বলতেছেন

উত্তরদাতা:হ্যাঁ, আমি

প্রশ্নকর্তা:আপনার আয় অনুযায়ী

উত্তরদাতা:আমার কাছে বেশী।

প্রশ্নকর্তা:বেশী? সমাজে তো বিভিন্ন ধরনের মানুষ আছে

উত্তরদাতা:বেশী। যেহেতু আমি মনে করছিলাম যে জ্বর আর ঠান্ডা হয়তো আরো কম। আমি মনে করছিলাম যে পঞ্চাশ টাকা দিয়ে পাঠায়ছিলাম যেহেতু পঞ্চাশ টাকার মধ্যে হয়ে যাবে। কিন্তু দেখলাম যে আরো বিশ টাকা ও পাবে।

প্রশ্নকর্তা:কে গেছিল মানে আনতে?

উত্তরদাতা:আমার স্ত্রী গেছে।

প্রশ্নকর্তা:স্ত্রী গেছিল? উনাকে পঞ্চাশ টাকা দিয়ে পাঠায়ছেন?

উত্তরদাতা:হ্যাঁ।

প্রশ্নকর্তা:পরে আবার বিশ টাকা কিভাবে, ভাবী এসে নিয়ে গেছে?

উত্তরদাতা:না। বিশ টাকা ও বাকী রাখছে আরকি। পরে দিয়ে দিবো। অসুবিধা নাই। ওরা বাকীও দেয়।

প্রশ্নকর্তা:তাহলে বাকীতেও কি দেয়?

উত্তরদাতা:হ্যাঁ। দেয়।

প্রশ্নকর্তা:লিখে রাখে নাকি?

উত্তরদাতা:না। মুখে। আমাদের অতোটা বাকী করিনা। হয়তো বিশ টাকা ত্রিশ টাকা পঞ্চাশ টাকা। এর বেশী আর না।

প্রশ্নকর্তা:আপনাকে যে ঔষধগুলো দিচ্ছে এগুলো যে খাওয়াচ্ছেন, আপনার এখন কি অনুভূতি হচ্ছে বাচ্চা কি সুস্থ হচ্ছে?

উত্তরদাতা:হ্যাঁ, মোটামুটি সুস্থ হয়তেছে। বোঝা যায়।

প্রশ্নকর্তা:কি দেখে বোঝেন যে বাচ্চা সুস্থ হয়ে গেছে?

উত্তরদাতা:আগের মতো মনে করেন বিরক্ত করতেছেন, নাক দিয়ে পানি পড়তেছেন। শরীরে হাত দিয়ে দেখি ঠান্ডা। মানে গরম আগে ছিল, এখন নেই। আবার খাওয়া দাওয়া আগে একটু রুচি অমত করতো, এখন খায় মোটামুটি।

প্রশ্নকর্তা:তাহলে সাতদিনের যে ঔষধ দিচ্ছে গত পরশুদিন সিরাপ, তাহলে খাওয়ানো শুরু করছেন আজকে নিয়ে মনে হয় দুইদিন চলতেছে

উত্তরদাতা:তিনদিন।

প্রশ্নকর্তা:তিনদিন। আর বাকী কয়দিন খাওয়াতে বলছে আর চারদিন।

উত্তরদাতা:আ চারদিন। চারদিনের মধ্যে যদি ঔষধ শেষ হয়ে যায় তার আগে হবে। আমাদের একটা ইয়ে আছে যে ও, আমরা আর ঔষধ আনবোনা। এটা খাওয়া শেষ কইরা আর আনবোনা।

প্রশ্নকর্তা তো ঔষধ যে কোর্স দিচ্ছে সাতদিনের। সাতদিনের কোর্স কমপ্লিট না করে আপনি এইযে ইয়ে খাওয়াচ্ছেন। ধরেন এটা যদি কালকে বা পরশু শেষ হয়ে যায়, অনেক কম দেখা যাচ্ছে। কালকে যদি শেষ হয়ে যায়

উত্তরদাতা:এখানে আবার একটা ইয়ে আছে। ও বলছিল একটা মেয়ের কথা বলে আনছিলাম আমরা কিন্তু পরে আবার দেখি এই মেয়েটাও একটু একটু হালকা কাশে। তো ওরে ঐ কাশির ঔষধটা খাওয়াইছি কিন্তু জ্বরেরটা খাওয়াইনি আমরা। জ্বরেরটা এইযে এখনো আছে।

প্রশ্নকর্তা:এখনো বেশী আছে।

উত্তরদাতা: এখনো বেশী আছে।

প্রশ্নকর্তা:যদি শেষ হয়ে গেলে আর আনবেন না?

উত্তরদাতা:না। শেষ হয়ে গেলে যেহেতু ওর কাশ ভালো হয়ে গেছে, আমরা আনবোনা।

প্রশ্নকর্তা:তো না খাওয়ালে পরবর্তীতে তার কোন সমস্যা হতে পারে?

উত্তরদাতা:হতে পারে নাকি এটা আমি শিওর বলতে পারিনা।

প্রশ্নকর্তা:মানে যে ধরেন একটা কোর্স দিল ডাক্তারে সাতদিন আপনি খাওয়াবেন। সেটা তার অভিজ্ঞতা থেকে বললেন। এমানে কোন ডাক্তার না। ঔষধ বিক্রি করে ফার্মেসিতে। সে তো তার একটা অভিজ্ঞতা হচ্ছে। সে অভিজ্ঞতা থেকে সে আপনাকে ঔষধ দিল। আপনি যে এখানে সাতদিনের জায়গায় ধরেন তিনদিন বা চারদিন খাওয়ালেন। ভালো হইলো। বাকী দুইদিন বা তিনদিন যে খাওয়ালেন না, কোর্স যে কমপ্লিট করলেন না। তাহলে এতে কোন সমস্যা হতে পারে? কি মনে হয় ভাই?

উত্তরদাতা:আমার তো মনে হয় হবেনা।

প্রশ্নকর্তা:না না। ভবিষ্যতে, ওদের ভবিষ্যতে এই জ্বর বা

উত্তরদাতা: ভবিষ্যতে হলে হতে পারে।

প্রশ্নকর্তা:কি হতে পারে? কিরকম হতে পারে?

উত্তরদাতা:হয়তো কাশিটা ভিতরে থেকে যেতে পারে নাকি এটাতো অভিজ্ঞ না।

প্রশ্নকর্তা:আপনার কি মনে হয়? আপনারা তো সংসার करतेছেন, অভিজ্ঞতা হয়েছে

উত্তরদাতা:আমার মনে হয় যে, হবে হয়তো।

প্রশ্নকর্তা:আবার হতে পারে।

উত্তরদাতা:হতে পারে।

প্রশ্নকর্তা:হতে পারে, আচ্ছা। তো একটা হচ্ছে কাশিটা আবার হতে পারে। আর কি সমস্যা হতে পারে?

উত্তরদাতা:যেহেতু জ্বর অতোটা ইয়েনা, শরীর গরম থাকলে আমরা খাওয়াতে বলছে। আর যখনই জ্বর মানে ঠান্ডা হয়ে যাবে শরীর, তখন আর খাওয়ানোর দরকার নাই।

প্রশ্নকর্তা: জ্বর এ কোন সমস্যা নাই কিন্তু কাশির ক্ষেত্রে -

উত্তরদাতা:কাশির ক্ষেত্রে হয়তো পরে আবার হতে পারে।

প্রশ্নকর্তা: হতে পারে। তাহলে এই সমস্যা যাতে না হয় এজন্য কি করা যেতে পারে?

উত্তরদাতা:সমস্যা যাতে না হয়

প্রশ্নকর্তা:মানে সেটা যাতে আবার পরবর্তীতে না হয়, এজন্য কি করা যায়, কি ব্যবস্থা নেওয়া যায়?

উত্তরদাতা:এজন্য আমার মনে হয় ফুল কোর্স খাওয়ানোই উচিত। ৩৫:০০

প্রশ্নকর্তা:উচিত।

উত্তরদাতা:যেহেতু আমাদের স্বল্প ইনকাম, আমরা তো চাই যে একটু টাকা পয়সা বাচায় অন্যদিকেও আমাদের খরচা আছে। যেমন স্কুলেও আমাদের পড়াতে হয়। মেয়ের স্কুলের বেতন, ঘর ভাড়া টর ভাড়া এদিক সেদিক অনেক টাকা খরচ হয়। তো আমরা চাই যে যেহেতু সাইরা গেছে ঠিক হয়ে গেছে তাহলে আর দরকার নাই। এরজন্য।

প্রশ্নকর্তা:কিন্তু ভাই আমাকে তো আপনি বললেন যে সেটা হয় জ্বরটা ডাক্তার বলছে যে অসুখ থাকলে খাওয়াইও আবার যদি কাশির এটা সাতদিন দিলাম, এটা সাতদিন খাওয়াইও। জ্বর না থাকলে জ্বরেরটা খাওয়ানোর দরকার নাই। এটা ঠিক আছে। কিন্তু কাশিরটা আপনি বুঝতেছেন যে, হয়তো আবার যেকোন সময় শুরু হতে পারে। তো এইযে বারবার সে অসুস্থ হচ্ছে এতে তার শরীরের উপর একটা প্রভাব পড়তেছেনা?

উত্তরদাতা:হ্যাঁ।

প্রশ্নকর্তা:এটা আপনি বুঝতেছেন ঠিকই। কিন্তু আপনি খাওয়াচ্ছেন না

উত্তরদাতা:হ্যাঁ ।

প্রশ্নকর্তা:একটা আর্থিক সমস্যা বলতেছেন যেজন্য আপনি খাওয়াচ্ছেন না

উত্তরদাতা: আর্থিক সমস্যার জন্য

প্রশ্নকর্তা:কিন্তু এটা তো খাওয়ানো উচিত নাকি উচিত না?

উত্তরদাতা:হ্যাঁ, উচিত ।

প্রশ্নকর্তা: উচিত । এইযে উচিত কিন্তু আপনি জেনেও খাওয়াচ্ছেন না । এটা কেন? এটা কেন আপনি করতেছেন? জেনেও যে খাওয়াচ্ছেন না এটা সমস্যা না?

উত্তরদাতা:হ্যাঁ, এটা সমস্যা । কিন্তু ঐযে বললাম আর্থিক সমস্যার জন্য খাওয়াইনা । শরীরেও একটা আলসেমি । সব মিলায়ে আরকি ।

প্রশ্নকর্তা:আচ্ছা । বুঝতে পারছি । তো যে ঐখান থেকে যে ঔষধগুলো দিচ্ছে, তো সেগুলো খাওয়াইয়া বাচ্চা যে সুস্থ হচ্ছে আপনি মোটামুটি এখন খুশি, না?

উত্তরদাতা:হ্যাঁ ।

প্রশ্নকর্তা:মানে ঔষধ তো এখন চলতেছে । অসুস্থতা আছে । কাশি কি এখন আছে? খেয়াল করছেন রাতে?

উত্তরদাতা:এখন হালকা হালকা ।

প্রশ্নকর্তা:হালকা আছে । আর জ্বরটা? জ্বরের কি অবস্থা?

উত্তরদাতা:জ্বরটা এইযে শেষ । ঠান্ডা হয়ে গেছে শরীর ।

প্রশ্নকর্তা:আর বাকী একজন যে বললেন একটু একটু গায়ে জ্বর তার বলছেন ।

উত্তরদাতা:না । জ্বর তার না । ওর কাশি ছিল । ওর ঠিক হয়ে যায়তেছে আস্তে আস্তে ।

প্রশ্নকর্তা:এর নাকে পানি দেখা যাচ্ছে । এখনো ঠান্ডা আছে ।

উত্তরদাতা:হ্যাঁ । এই যে ঔষধ খাওয়ালে, কাশির ঔষধটা খাওয়ালে ওর ঠিক হয়ে যাবে ।

প্রশ্নকর্তা:তো এখন যেটা জানতে চাচ্ছি ভাই, সেটা হচ্ছে যে এই ঔষধ তো খাওয়াচ্ছেন । এটা চলতেছে । যে এখন নিজের অথবা অন্য কোন ব্যক্তির যদি কোন এন্টিবায়োটিক লাগে, ঔষধ লাগে, এটা চিন্তা করে আপনারে যে ঔষধ এন্টিবায়োটিক ডাক্তাররা দেয় বা অন্যান্য এন্টিবায়োটিক ডাক্তাররা দেয়, এটা কি ঘরে রেখে দেন? ধরেন খাওয়ানো শুরু করলেন কিছুক্ষন আগে বলতেছিলেন যে খায়লে অসুখ ভালো হয়ে গেলে আমি আর খাওয়াইনা ।

উত্তরদাতা:বাকী ঔষধটা?

প্রশ্নকর্তা:হ্যাঁ, বাকী ঔষধটা ।

উত্তরদাতা:না । বাকী ঔষধটা আমি ফেলে দিই ।

প্রশ্নকর্তা:সাথে সাথেই ফেলে দেন?

উত্তরদাতা:সাথে সাথে বলতে যেমন আজকে ঠিক হয়ে গেল, দুইদিন পরে ফেলে দিলাম।

প্রশ্নকর্তা:কেন ফেলে দিচ্ছেন? এটা তো একটা দামী ঔষধ

উত্তরদাতা:ফেলে দিচ্ছি এজন্যই দামী যতই হোক, এটার একটা মেয়াদ আছে। মুখটা খুললে একটা মেয়াদ থাকে। যেমন সাত দিনের কথা যদি বলে তাহলে সাতদিন আমার ঔষধটা খাওয়া লাগবেনা, খাইলামনা। কিন্তু সাতদিন ওভার হয়ে গেছে। আমার মনে হলো যে ঔষধটা হয়তো নষ্ট হয়ে যাওয়ার সম্ভাবনা আছে বা নষ্ট হয়ে গেছে। এজন্য আমি আর খাওয়াইনা এটা।

প্রশ্নকর্তা:মানে আপনার কাছে মনে হয় যে এটার মুখা খোলার পরে খাওয়ানো ঠিক হবেনা এজন্য খাওয়ান না।

উত্তরদাতা:হ্যাঁ। যেহেতু মেয়াদ দিয়ে দিচ্ছে ওরা সাতদিন খাওয়াবেন। তারপর আট দিন বা দশ দিন হয়ে গেছে। এখন আর দরকার নাই।

প্রশ্নকর্তা:এরকম কোন ঔষধ কি এখন রাখা আছে ঘরে?

উত্তরদাতা:না।

প্রশ্নকর্তা:এরকম রাখা নাই?

উত্তরদাতা:না।

প্রশ্নকর্তা:তো এন্টিবায়োটিকের গায়ে যে বলছিলেন একটা মেয়াদের তারিখ দেয়া থাকে। এই তারিখটা দিয়ে আসলে কি বোঝায়? যে ডেট যে দিয়ে দেয়। যেমন ঐযে দেখেন বোতলের গায়ে তারিখ দিচ্ছে।

উত্তরদাতা:এটাতো আমরা জানি যে এটা দিয়ে উৎপাদন এবং ডেট শেষ। এইডা আমরা বুঝি আরকি। দেখলে হয়তো জানতে পারি যে এটা ডেট ওভার হয়েছে বা এটার ডেট আছে।

প্রশ্নকর্তা:তো এটা একটা লাভ। আপনি দেখতেছেন যে কবে তৈরী হয়েছে, কবে আছে। তো এটা দেখে লাভটা কি আসলে মানে কি

উত্তরদাতা:আমরা বুঝতে পারি যে, এই যেমন একটা ঔষধ, এটার গায়ে যেমন ডেট আছে। আছে নাকি নাই এটা আমরা বুঝতে পারি। ডেট এক্সপেল যেটা, এটা আমি বুঝতে পারি যে এত তারিখে ডেট ওভার হয়ে যাবে। তো এই ঔষধটা আমি খাবোনা। আর খায়লে যে, এই ঔষধটা যদি আমি খাই তাহলে আমার বাচ্চার বা আমার ক্ষতি হবে।

প্রশ্নকর্তা:কিরকম ক্ষতি হতে পারে?

উত্তরদাতা:কোন অন্য রকমের অসুখ হতে পারে। যেমন, খায়লে অসুস্থ হয়ে যাবে। যেকোন ধরনের অসুস্থ হতে পারে। এজন্য আমরা ঐ ভাইবা আর খাইনা।

প্রশ্নকর্তা:তো যতবারই আপনি বা ভাবী ঔষধ কিনতে যান, আপনি কি ডেট দেখে নেন?

উত্তরদাতা:হ্যাঁ। আমি যদি কিনি, দেখে আনি বা ওরেও কিনতে বললে আমি বলি যে দেইখা আইনো।

প্রশ্নকর্তা:এটা বলে দেন?

উত্তরদাতা:হ্যাঁ।

প্রশ্নকর্তা:ভাবী কি এটা খেয়াল করে?

প্রশ্নকর্তা: কেন ভালো হচ্ছেনা? শরীরের ভিতর কি হচ্ছে তার?

উত্তরদাতা: আমার তখন মনে হয়, হয়তো ডাক্তারে কম পাওয়ারি ঔষধ দিচ্ছে। তখন আমরা আবার ডাক্তারের কাছে যাই। তখন ওরা ঔষধ চেঞ্জ করে দেয়। তখন খেলে ভালো হয়।

প্রশ্নকর্তা: তখনো খাচ্ছেন, তখন দেখা যাচ্ছে যে ঔষধ যেরকমভাবে আপনি চিন্তা করছেন যে পাওয়ারেরটা খেলে দ্রুত ভালো হবে, হচ্ছেনা। হচ্ছে হচ্ছে হয়তো হয়েই গেল। আবার দেখা গেল যে এক সপ্তাহ পর আবার অসুস্থ হলো, আবার কফ, আবার কাশি, নাক দিয়ে পানি পড়তেছে। তাহলে এটা কেন হয়?

উত্তরদাতা: তখন আমি, কেন হয়, এটাতো এখন চিন্তা ভাবনা করি আমরা তখন যে শরীরে মনে হয় অন্য ধরনের, এটা তো আমরা নিজস্বভাবে আরকি। এটাতো আর ডাক্তার না আমরা। তাহলে বুঝতে পারতাম, ডাক্তার হলে তো বুঝতে পারতাম কিসের থেকে কি হয়? ডনজেরা নিজেরা তখন চিন্তা ভাবনা করি যে ভালো ডাক্তার দেখাতে হবে। এই ডাক্তার বাদ দিয়ে চেঞ্জ করে অন্য ডাক্তার। অন্য কোন ভালো ডাক্তার

প্রশ্নকর্তা: না। তা দেখালেন। কিন্তু দেখানোর পরেও ভাই দেখা গেল যে, এই রোগটা তো ঘন ঘন হচ্ছে। ডাক্তার চেঞ্জ করলেন। এরকম হয়না, অনেক লোক অনেক ডাক্তার দেখায় বিরক্ত হয়ে লাষ্টে বলে যে আমি আর পারতেছি না মানে ভালো হচ্ছেনা। আমি অনেক চেষ্টা করলাম। তো এই শরীরের মধ্যে যে একটা আল্লাহ যে একটা রোগ প্রতিরোধ ক্ষমতা দিচ্ছে আমার, তো ক্ষমতাটা রেজিস্ট্র্যাঙ্গ হয়ে যায় মানে ক্ষমতাটা অনেক সময় কাজ করেনা। শরীরের ভিতর। এটা কেন করেনা? মানে এন্টিবায়োটিক খেলে শরীরের মধ্যে এইযে আল্লাহ একটা ক্ষমতা দিচ্ছে, অনেকে আছে যে এখানে গ্রামের মধ্যে এত গরীব যে তার ঔষধ কিনে খাওয়ার তার সার্মথ্য নাই।

উত্তরদাতা: তওফিক নাই।

প্রশ্নকর্তা: তওফিক নাই। তো সেক্ষেত্রে সে অনেকদিন জুরে টরে ভুগে পনেরদিন পর সে সুস্থ হলো। আর ঔষধ খেলে আপনি সাতদিনে তিনদিনে ভালো হয়ে গেলেন। এইযে ক্ষমতাটা আল্লাহ দিচ্ছিল, ঐটাই হয়তো ঔষধ খাওয়ার কারনে, পাওয়ারি ঔষধ খাওয়ার কারনে মানে অনেক সময় নষ্ট হয়ে যাচ্ছে।

উত্তরদাতা: হ্যাঁ।

প্রশ্নকর্তা: নষ্ট হয়ে যাচ্ছে। এইযে নষ্টটা হলে তখন কি হয়? মানে কি করে?

উত্তরদাতা: তখন আর কি করে? নিজের, এখন আর কি বলবো? কি করে তখন আর? তখন

প্রশ্নকর্তা: তখন শরীরের মধ্যে এন্টিবায়োটিক খেলে কি কাজ হয়?

উত্তরদাতা: হ্যাঁ, তখন হলেও হতে পারে। ঐডা অতোটা জানা নেই। শিওর নাই।

প্রশ্নকর্তা: জানা নেই। তো ধরেন আপনাকে এন্টিবায়োটিক যে কোর্স শেষ না করলে কি হতে পারে ভাই। ধরেন একটা কোর্স আপনাকে দিল। ডাক্তার আপনার একটা ফোড়া উঠলো। যেটা কাটলো বা অপারেশন করলো। ডাক্তার বললো যে আপনাক তিনটা এন্টিবায়োটিক দিলাম। এগুলো খাবেন। সাতদিন সাতদিন খাবেন। দিনে দুইটা করে খাবেন। তো আপনি এটা কোর্স কমপ্লিট কললেন না। তাহলে কোর্স যদি কমপ্লিট না করেন তাহলে কি সমস্যা হতে পারে?

উত্তরদাতা: কোর্স কমপ্লিট না হলে হয়তো এরকম হতে পারে। ঐ অসুখটা আবার হতে পারে।

প্রশ্নকর্তা: আবার হতে পারে।

উত্তরদাতা:এটাই আরকি।

প্রশ্নকর্তা:তো হতে পারে। হলে মানে একটা হইলো যে অসুখটা আবার হইলো। আর কোন সমস্যা কি হতে পারে।

উত্তরদাতা:না। আমার মনে হয়না।

প্রশ্নকর্তা:এইযে সমস্যার কথা বলতেছেন। এইযে সমস্যাগুলার কথা কোন জায়গা থেকে শুনছেন আপনি এগুলো?

উত্তরদাতা:এইতো নিজস্ব, নিজেই বুঝি।

প্রশ্নকর্তা:নিজেই বুঝেন?

উত্তরদাতা:এটা কারো কাছে শুনতে হয়না। এমনে নিজেই বুঝি যে, নিজে অতটুকু বোঝা যায় যে ঔষধটা কোর্স শেষ করলামনা, হয়তো আবার হতে পারে।

প্রশ্নকর্তা:আচ্ছা। এটা নিজেই বুঝেন আর এছাড়া কারো থেকে কি শুনছেন?

উত্তরদাতা:না। কারো কাছে শুনি নাই।

প্রশ্নকর্তা: এই বিষয়ে কোন কিছু শুনেন নাই? মানে কোর্স কমপ্লিট না করলে মানে যে সমস্যাগুলো হয়, এই জিনিসটা কি আপনি নিজে মেনে চলেন ভাই?

উত্তরদাতা:না, নিজেও মেনে চলিনা।

প্রশ্নকর্তা:কেন মানেন না, একটু যদি খুলে বলেন।

উত্তরদাতা:এটা নিজস্ব একটা আলসেমি।

প্রশ্নকর্তা:আলসেমি?

উত্তরদাতা:তাছাড়া কিছু না। আর্থিক ব্যাপারও আছে। নিজস্ব একটা আলসেমিও আছে, আর্থিকও আছে যে অসুখ হয়েছে, সাইরা গেছে। একটা নিজস্ব আলসেমি। এছাড়া কিছু না। খাওয়ালে ভালো, এটা সবাই জানে। আমিও বুঝি।

প্রশ্নকর্তা:তাহলে এখন যে অসুস্থ, এন্টিবায়োটিক রেজিস্ট্যান্স ঐযে অসুখটা যাতে আর না হয়, এজন্য আমরা কি করতে পারি? মানে বারে বারে একই অসুখ যেন না হয়, এজন্য এটার সমাধা করার জন্য আমরা এটা ভাই কি করতে পারি? আপনার কয়েকটা বুদ্ধি পরামর্শ বলেন।

উত্তরদাতা: বুদ্ধি পরামর্শ হচ্ছে যে এমন একটা ঔষধ এমনভাবে তৈরী করা উচিত বিজ্ঞানিকরা যে একবার ঔষধ খেলেই যেন ঠিক হয়ে যায়। আর দ্বিতীয়বার যেন ঔষধটা না খাওয়া লাগে। আমরা এটাই চাই। আমরা সবাই মিলে এটাই চাই যে, যেমন ভালো কিছু করুক। ভালো কিছু তৈরী করে যেমন জনগন আমরা যেন মানুষ শান্তি পাই। যে একটা ঔষধ খাইলাম। অসুখটা ঠিকই ভালো হয়ে গেল। কিন্তু ভেজাল গুজাল দিয়ে একটা নাম দিয়ে আরেকটার মধ্যে যেন ভেজাল গুজাল ঔষধ বানিয়ে ব্যস, খাইলাম ঠিকই। তখন সারলো। পরে আবার হয়ে যায়তেছে। এটি যেন না হয়। এটিই আমরা চাই।

প্রশ্নকর্তা:আচ্ছা। তো এখন একটু অসুস্থতা নিয়ে বলি। আপনার বাচ্চা, যে অসুস্থ হয়েছে, বাচ্চাটার কি নাম?

উত্তরদাতা:বাচ্চাটার নাম জিম।

প্রশ্নকর্তা:জিম?

উত্তরদাতা:হ্যাঁ।

প্রশ্নকর্তা:আর জিমের প্রথমে অসুখ হয়েছে, না?

উত্তরদাতা:হ্যাঁ।

প্রশ্নকর্তা:হওয়ার পর তার জন্য ঔষধ আনছেন ফার্মেসি থেকে। এরপর আর একটা বাচ্চার যার একটু জ্বর দেখতেছেন, এখন কি আছে তার জ্বর? আছে?

উত্তরদাতা:হ্যাঁ।

প্রশ্নকর্তা:ওর কি নাম?

উত্তরদাতা:ওর হচ্ছে "ম"।

প্রশ্নকর্তা:ম ? জ আর ম?

উত্তরদাতা:ওর নাম হচ্ছে, আব্বু তোমার নাম কি বলো তো (মেয়েকে জিজ্ঞেস করলেন) ওর নাম হচ্ছে ম। ওর নাম হচ্ছে জ।

৪৫:০০

প্রশ্নকর্তা:জ ? আচ্ছা। জ প্রথম অসুস্থ হয়েছে পরে এখন ম এখন একটু অসুস্থতা বোধ করছে। জ্বর হয়েছে। তো মানে তার কি লক্ষণ দেখতেছেন একটা হচ্ছে যে গায়ে বরলেন জ্বর। আর?

উত্তরদাতা:আর হচ্ছে ঠাণ্ডা।

প্রশ্নকর্তা:নাক দিয়ে পানি পড়ছে?

উত্তরদাতা:হ্যাঁ।

প্রশ্নকর্তা:কাশি আছে? ও কাশতেছে দেখতেছি।

উত্তরদাতা:হ্যাঁ, কাশি একটু একটু আছে।

প্রশ্নকর্তা:"ম" ও শুরু হচ্ছে?

উত্তরদাতা:হ্যাঁ।

প্রশ্নকর্তা:আর "জ" এখন কি ভালো হয়ে গেছে

উত্তরদাতা:আগের চেয়ে একটু ভালো আর কি। এতোটা ভালো হয় নাই এখনো। ওর ঔষধতো আরো দিন বাকী আছে। হয়তো আমার বিশ্বাস আছে যে সাতদিন খেলে ভালো হয়ে যাবে।

প্রশ্নকর্তা:ভালো হয়ে যাবে। আচ্ছা, যদি আল্লাহ না করুক, এই সাতদিনে যদি ভালো না হয় তাহলে কি করার ইচ্ছা-

উত্তরদাতা:তাহলে আমার ইচ্ছা আছে আমি ভালো ডাক্তার দেখাবো।

প্রশ্নকর্তা: ভালো ডাক্তার দেখাবেন। মানে ভালো ডাক্তার মানে কোন ডাক্তার এটা?

উত্তরদাতা: সরকারি মেডিকেলের ডাক্তার।

প্রশ্নকর্তা: মেডিকেলের ডাক্তার। তো মানে আপনি এখন যেটা করছেন ওদের জন্য হচ্ছে যে ফার্মেসিতে যিনি ঔষধ বিক্রি করেন, উনার থেকে ঔষধ আনছেন

উত্তরদাতা: হ্যাঁ।

প্রশ্নকর্তা: এই দুইটা ঔষধ আমাকে দেখালেন যে অল সেট,

উত্তরদাতা: হ্যাঁ, অলসেট আর রেনোভা।

প্রশ্নকর্তা: রেনোভা। আর ইএনও ভিএ। আর এ এল সি ই টি। অল সেট। দুইটাই সিরিঞ্জি এমএল করে। তো এগুলো খাওয়াচ্ছেন। এরপর ভালো না হলে সরকারি হাসপাতালে তাদেরকে দেখাবেন। তো এগুলোই খাচ্ছে তারা। তো আমাদের এই গবেষনার আর একটা কাজ হচ্ছে ভাই, আমরা যদি কোন পরিবারে যেয়ে দেখি যে আমি যখন কথা বলতেছি, ঐ মুহূর্তে কেউ অসুস্থ থাকে, কোন বাচ্চা বা পরিবারের কোন সদস্য তাহলে আমরা আবার পরবর্তীতে, দুই সপ্তাহ পরে আজকে হলোনা ভাই?

উত্তরদাতা: হ্যাঁ।

প্রশ্নকর্তা: আবার দুই সপ্তাহ পরে আমি আসবো আপনার সাথে একটু দশ মিনিটের জন্য, জাষ্ট দশ মিনিটের জন্য কথা বলবো। বাচ্চার অসুস্থতা নিয়ে।

উত্তরদাতা: আচ্ছা।

প্রশ্নকর্তা: এর ভালো হলো কিনা। প্লাস এরজন আপনি কি ট্রিটমেন্ট করলেন, কি করলেন এই বিষয়টা একটু আলোচনা করবো।

উত্তরদাতা: আচ্ছা।

প্রশ্নকর্তা: তো আমাকে অনেক সময় দিলেন আসলে। আমরা হগবেষনার জন্য ভবিষ্যতে এই তথ্যগুলো কাজে লাগাবো। তো আমরা আপনার সার্বিক মঙ্গল কামনা করি, পরিবারের সবার সুস্বাস্থ্য কামনা করি। তো দোয়া করবেন। ভালো থাকবেন তাহলে।

উত্তরদাতা: অবশ্যই আপনিও দোয়া করবেন।

প্রশ্নকর্তা: আসসালামুআলাইকুম।

-----০০০০০০০০০০০০০০০০০০০০-----